

O IRMANDINO

PERIÓDICO GALEGO

AÑO I

Dirección y Administración:
PIEDRAS, 411

Montevideo, Outubro de 1934.

Núm. 1

Teñámos fe no porvir

A IRMANDADE GALEGUISTA DO URUGUAY xurdiu a vida activa da colectividade "pra esperar na conciencia de todol-os galegos "a noción da personalidade de Galiza, como unidade natural de raza, "linguaxe, hestoria, xeografía e espírito propios". Veleiqui pois, sintetizado en poucas liñas o lugar d'arranque da súa laboureira; a pedra fundamental da súa contestura orgánica; a fonte ideolóxica das súas arelas. Escomezada a loita con tan sans postulados, o pouco tempo de vida xa está afianzada a personalidade d'esta entidade.

Eisi tiña que ser, e eisi é. Dar-se presa a cumpril-o ideario forxado, é o que se impon. Non basta crear; hai que traballar de cotío, con forte afínco pra que a obra creada encha a finalidade buscada, e xustifique o seu nacemento.

Aparés eisi, esta folla, que ha de ser o porta-voz da idealidade da IRMANDADE, pra ciscal-a por todol-os corrunchos do mundo, n'este esperar de galeguidade; n'este vislumar d'emancipación do pobo galégo.

O recén nado levará o nome que herdou dos xestores das rebelións galegas. — Chamarás: O IRMANDINO, O IRMANDINO ven de IRMANDADE; irmans de Galiza.

Foron os primeiros IRMANDINOS, aqueles heroes lexendarios que aló pol-o século XIV, erguéronse en loita contra a teocracia asoballante; contr-os señores feudales, donos de vidas e facendas, que tiñan de cote a soga e o coitelo ameazando o pescózo do pobo escravizado e aldraxado.

Foi en Ferrol o primeiro erguimento. Irmandino, dirixido por Ruy Sordo, contra o mais feró feudalista, Nuño Freire de Andrade, "O MAO". Axiña erguéronse outros pobos lindeiros; e o pouco tempo, as forzas Irmandinas eran verdadeiramente imponentes. Os ciervos da ribeira, do agro e da montana enrolábanse nas fías de Ruy Sordo pra se libertar-en d'escravitude. Aqueles guerreiros, armados de chuzos lngos e fouces, trocaban a catividade das armas pol-a coraxe e vaentía con que as empregaban, e por onde pasaban botaban abaixo canto castelo feudal alcontraban. Anos despois, constituíuse outra Irmandade, que pode decirse que se xestou nas cinzas da primeira, que tivo por cabezoleiros a Pedro Osorio, Alonso de Lanzós e Diego de Lemos. Esta Irmandade de xeito da nomeada dinantes, deu tamen por terra con feudos e castelos, que de cotío a solagaban o solar galego, e sementaban o desacougo por todol-os costelos.

Aparés eisi, sintetizado, un anaco lumiñosa da historia de Galiza, que reflexa a valentía e diñidade da nosa raza; da raza celta. ¡Non hai cousa mais fermosa e conmovedora c-o erguimento d'un pobo escravizado que loita pra conquistar a liberdade!

Mais nós, de frente o problema actual de Galiza, non pensamos que sexa preciso coller as armas guerreiras pra arrecadar os nosos dereitos, buscamos somentes, os vieiros do razonamento. Trocamol-as armas fraticidas pol-a pluma; que é a verdadeira arma de combate dos tempos novos.

Relembremos o pasar canto nos doi, canto nos firen no fondo sensibre da ialma, as apreciacións dos galegos que fican pechados as conviccións de manter o sistema de goberno centralista, deixando entrever un verdadeiro ateigamento de patriotismo hespañolista; namentras nosos irmans do agro e da ribeira—que son o cerne da economía galega—mórrense de fame: Fame de pan e fame de xusticia.

Nos non somos patriotas no senso estreito e mezquino da eispresión; aligárquico, imperialista, imperialistas e fascista, que desbotamos con reza enerxía e con repudio. Patrea sin fronteiras (si fose posible); patrea de xusticia, de igualdade, d'amor, é a nosa. Mais temos o convencimento que non se pode choutar por enriba da realidade e trocar a contestura d'un pobo dun día pro outro, vencendo ese forte encadenamento d'intrés, tecido pol-os homes. En toda execución hai sempre un intré, ou e mester qu'o haixa, de xestación, de preparación, que se vai forxando e adaitando na conciencia do pobo, no percorrer do tempo, pra que a obra non sexa unha improvisación.

¡Ai! esperta, adourada Galiza,
d'ese sono en que estás debruzada
do teu río porvir a alborada
pol-o ceo enxergándose vai.

ANON.

HIMNO GALEGO

Que día os rumores
No cocho verdecente
O rizo transparente
Do p'acido luar
Que día as almas copas
D'escuro arume arpado
Co seu ben compassado
Moistono fungar.

—De teu verdor singuido
E de benignos asnos
Contín dos verdes castros
E vulneroso elán,
Nos des a esquecermento
Da luxuria o rudo encono
Desperta do teu sono
Fogar de Breogán.

Os bós e xenerosos
A nosa voz entenden
E con arrobo atenden
O noso ronco son
Mais os ignorantes
E fúridos e duros
Imbéceles e escuros
No nos entenden, non.

Os tempos son chegados
Dós bardos das edades
Quas vosas vaguedades
Cumprida fin terán
Pois d'onde quer xigante
A nosa voz pregon
A redezón da bóa
Nazón de Breogán.

EDUARDO PONDAL

O senso da patria

Nos, os galegos non temos a alma atuada por ningunha rutina patrioteira; pero temos un sentimento natural e humano da Patria, e para nos a Patria é a Terra que nos deu o ser.

A Patria é a Terra farturenta que nos da o pan e o viño, que sostén os nosos fogares, que cría fröres nos campos para regalia dos ollos, e albres para que canten os paxaros.

A patria é a Terra maceirada de tanto parir, que nos dou a vida que nos mantén e que nos recolle-rá na morte como semente de novas criaturas.

A Patria é a Terra fecunda, donde xerminan os egados da tradición que nos dará continuidade na historia, o corpo incorruptible donde encarnou a i-alma atromentada da raza.

A Patria é a Terra creadora, fonte da gran forza da vida.

A Patria é o rechouchio dos paxaros, o canturreo dos grilos, o murmurio das xugas e o zocar do vento.

A Patria é a sombra fresca dos castiñeiros no vran e a quentura garimosa do fogar no inverno.

A Patria é a inqueda das sementeiras e a ledicia das colleitas.

A Patria é o fungar do vento nas ponlas secas dos carballos e o esborrar das ondas do mar nos cons da ribeira; a cántiga misteiorosa dos piñeiros e o runxido do mar no sareales.

A Patria é o arco da vella, o luar e a noite estrelecida.

A Patria é o sentimento que nos fai fillos da Terra para recibir o seu zume criador de lirismos. Por iso entristecemos no outono, choramos no inverno, sorrímos na primavera e rimos no vran. Por-

que estamos feitos a semellanza da Terra: a nosa carne é terra, os nosos hosos pedra, e o sanete son os ríos e os regatos.

A Patria é a Terra nai, a Deus perdurable e xenerosa, porque como di Pascal, primeiro nos cansaremos nós de pedirles que ela de darnos.

Esta é a Patria verdadeira, a Patria única que hoxe festexamos. Eu non sei de mais Patria, e o galego que non a sinta e un home moralmente imperfecto.

No tempo de Rosalía, a Patria era un sentimento en continua saudade, unha tristura crepuscular, o planío por unha ilusión morta, a espranza entristecida de tanto esperar. Galiza era unha i-alma en pena que vagaba pol-o inferno frío dos camiños, enchendo de salongos as notes xiadas do inverno; era a negra sombra desterrada. A nosa i-alma, com'a dos xudeos, agardaba o miragre da resurrección, para reencarnar n'un copo sán e robusto, para renasce e vivir baixo a luz do sol.

Pero a saudade dos tempos de Rosalía queimouse na fogueira dos nosos entusiasmos, e xa non choramos o pasado; cantamos o porvir porque a i-alma da Raza reencarnou na Terra e a nosa Patria recobrou a súa personalidade, e quer esteriorizala en forma de Estado. Pero non par afechar-se en fronteiras, sinon para desatralcal-o camiño de Europa, aquel camiño branco de estrelas que unía a Galiza o resto do mundo civilizado, no tempo lonxanto dos Cancioeiros e do Pórtico da Gloria, cando nós non eramos mais que galegos.

¡Cando non eramos mais que galegos!

CASTELAO.

Loitemos pois, de cotío, sin repouso, c-o maor adicamento, pra erguel-a conciencia cívica do noso pobo, levando por guieiro a tócha lumiñosa da sabedencia; o xeito dos nosos proxenitores, que facían fogueiranos montes virxes, pra espantar ós lobos, que rondaban ós seus eidos, e puñan en peligro as súas vidas.

O Goberno e Galiza

Pr'os que, aínda alonxados da Terra, es seus problemas siguen sendo a nosa preocupación, non podemos, nesta hora de incertidumbre en que se debate a península, deixar de ocuparnos sobor do resultado que iste terá pra Galicia.

Si o goberno de Lerroux consegue domeñar materialmente — non espiritualmente pois o espírito non se domeña con cañós e con isa escoria de mundo qu'é a Lexión Eistranxeira — o movemento de liberdade c'o pobo hespañol, ise mesmo pobo que fai tres anos trouxo a República, quixo vere trunfante enfrentándose c'os cañós do exército, o porvir de Galicia será escuro. Decimos será escuro porque, c'o trunfo de conxunción Lerroux-Gil Robles-Martínez Velasco, as nosas anseas de que Galicia conquira a persoalidade c'a bestórea lle otorga e os patrioteiros d'esta tristeira conxunción lle negan, as liberdades de pobo galego sufrirán un estancamento. Vexamos por qué.

Pol-a traizón dese vello ambeceoso que e Don Alexandro Lerroux, ascenderon o podere os máis acérrimos enemigos das autonomías. Ises homes c'a índia non-os dixeron si son ou non republicáns, gañaron a maoría das bancas facendo unha campaña contr'as autonomías e arrexuntados c'os partidíños monárquicos

que aínda quedan e que, como sabe o leitor, tiveronnos sempre coma escravos. No mesmo senso, sin pregoalo, marchou contr'as autonomías o partido de Lerroux. Uns e outros, levantado como bandeira de combate aquilo de "la unidad española", seguiron un mesmo vieiro c'os levou a gozar dunhas posiciós que nin en votos nin en méritos gañaron. Xa no goberno ¡que podemos esperar d'eles os "bós e xenerosos", como dixeran o inmortal Pondal, ¡que quereamos pr'a nosa terra un porvir de florecemento na economía, na sua arte, na sua cultura etc.? Ei o problema que agora se nos presenta, e que cumpre prosarlle moita atención.

Temos de labourar os galegos emigrados en favore das liberdades que, a bon seguro, se nos negarán. Pra elo, e mester que nos arrexuntemos todos, sin distenzón de credos e partidismos, e axudemos os irmans que na Terra loitan por conquistar unha Galicia nosa e pr'a humanidade. O feito de non vivir aló non-os eiscruie de tomare parte na cruzade de redenzón de noso pobo na que poñen a sua sabencia e hastr'a sua seguridade persoal, os máis meirantes homes da nosa sempre ben querida Galicia. Ei a nosa sagrada obriga.

¡Saude Irmans!!

O Irmandino sauda c-o maor legas do Uruguay e fai afervoa-agarimo a total-as Instituciós Gados votos de confraternidade e amizade mútua na loita pal-a defensa dos intréses da nosa coledividade e da nosa Terra; deseándolle a total-as entidades irmans o meirande engradecimento e os millores eisitos na sua laboura pra honra de Galiza e dos gallegos.

¡¡Terra a nosa!!

Galegos...

Pol-as informaciós que nos chegan da NAI TERRA enteirámomos de que a editorial "NOS", de non prestarlle axuda sin pérda de tempo, terá que trancal-as portas da imprenta, despois de longa e inquedá laboura en col das letras galegas.

Os galegos do mundo enteiro teñen-a obriga de facer un esforzo, e hastra un sacrificio, pra que non se peche co-a chave da morte esa porta que tivo a virtude de intensificar o contaio espirital entre todol'os galegos.

A IRMANDADE GALEGUISTA xa deu o primeiro paso n'ese senso, adiantándose o movemento

de simpatía e proteición a devandita editorial que se está espallando por toda Galiza. Eisi foi que no mes de Setembro derradeiro mandoulle un xiro o señor Anxel Casal pra que lle remita libros galegos que chegarán axiña a esta cidade. Mais non se manterá queda a IRMANDADE c-o feito, frente a seriedade da situación por que atravesa "NOS", e está disposta a prestarlle a axuda que lle permitan as suas forzas. Pregámoslle pois, a todol-os asociados o as galegos en xeneral que percuren secunidar a laboura de IRMANDADE, mercando libros galegos.

Contribuindo dese xeito a afianzar a estabilidade de "NOS" con quen todos temos unha déveda de gratitude pol-a sua xestión en col do ciscamento de cultura e das costumes galegas.

A muller galega

NA IRMANDADE G. DE U. teñen os mesmos dereitos as mulleres c-os homes. N'esta entidade a democracia non é teoría, é realidade; os Estatutos Sociaes fixan igualdade de dereitos. Si vostede, paisana, se lembra de lonxana terriña pense que a IRMANDADE e un anaquiño d'ela. — FAGASE SOCIA.

Homaxe a Villar Ponte



No cidade de Viveiro; n'ese fermoso xardín, que é como unha sonrisa de Galiza espallada o carón do Cantábrico, fixéronlle un agarismos homaxe a don Antón Villar Ponte. — ¿Motivo?... Os hames como Villar Ponte tiñen na alma de toda Galiza un motivo eterno pra agasallal-os, pra admirar-os e pra querel-os. — Por iso o devandito homaxe, a pesar do caraiter localista con que foi orgaizado, adquiriu outa trascendencia na galeguidade do mundo enteiro. — A IRMANDADE galeguista pregase a homaxe feito a Villar Ponte, con afervoadá admiración e co-a mais tenra simpatía.

A Editorial "Nos"

A batelada d'alarma dada por Alvaro de las Casas respecto d'editorial "NOS", responderon como un só home, o mais representativo da nova Galiza, e ollamos eisi os nomes de Castelao, Otero Pedrayo, Xoan Carballeira, Alvarez Gallego, Villar Ponte, etc.; cisca-dos bol-os xornaes galegos estreitando forzas, pra salvar a "NOS" Esa solidariedade dos novos homes de Galiza, pra defender as causas xustas, échenos de satisfacción e d' alento. Damos publicidade a artigo de Villar Ponte, que abonda a sua prestixiosa firma pra decatarse da importancia do movemento sinalado.

Suxerimientos que ofrezco os mob'es preocupados

Inda que no toque de crarin de Alvaro das Casas non sonase unha chamada para min, eu habería de falar no preito da Editorial "Nós".

Hai que facer algo serio c'ouxeito de salvar da morte esta necesaria institución galega. Pensémolo ben todos. Pero señamos prácticos.

O primeiro a facer sería unhas estadísticas craras sobre dos libros imprentados por Anxel Casal que máis saída tiveron, e sobre a capacidade adquisitiva de libros galegos que hai hoxe na no-

sa terra. Isto probaríanos duos cousas: o gusto do público, e as suas preferencias literarias, e si as obras de maor ou menor custo son as que mais se venden. Base imprescindible para calquer negocio editorial.

Tamén cumpriría sabermos si con propaganda de maor intensidade na Prensa e n'outras partes a venda de obras sería mais considerabel. Porque a propaganda é o primeiro. Poucos xornaes de Galicia faloron dos nosos libros e dos de fora case ningún.

¿Convén, por outra parte, lanzar ó mercado catro libros, com'o que se lanzaron derrodeiramente estes derradeiros tempos, sobre todo sendo tres d'eles de prezo respetabel? Eses mesmos libros si houbesen levado cand'a si unha gacetilla "de chinchín", imprentada co'a súplica de que se lle de-ra publicidade, ¿non sería en moitos xornaes galegos preguizosos para facer nada de conta propia? Tal costume teñen tódal-as editorias hespañolas.

Pois a esta propaganda direita hai que engadir outra que compe iniciar de contado. A de conferencias bibliográficas en tódal-as cidades e recunchos da nosa terra, cada vez que saia un libro galego d'algún merecemento. A de facer unha Exposición d'o libro enxebre nas primeiras urbes do país. Sin das indireitas que ó galeguismo político l'interesa tamén moito: a de organizar cadros de declamación galegos. A nosa lingua asin espaxerárase e todos irán acostumándose a ela. Hai que crear a barraca teatral galega, que amén d'estimular os autores a escribetadora de propaganda dos libros enxebres. E ¿qué millor tareya poden emprenderen as mocidades galeguistas? Política e arte asin

A estudalo todo e a intentalo todo. E si con todo fracasásemos sempre, esperanza sempre, e a nórdarnos nunca por vencidos. A voluntade ó servicio d'unha, boa causa en ningures sofriu derrota.

Para canto se intente eu estarei disposto como decote. Na xuntanza de Compostela a miña presenza feita axuda non ha faltar.

Non fora unha verdadeira obra patriótica a que anda en preito co meu fraterno agarimo para Anxel Casal levaríame a calquer sacrificio. Logo, todos os bos e xenerosos a salváremos o que é preciso salvar.

A chamada rexa da galeguidade sigue escoando. Nas fias de combate tamén eu, pódome firme, berro: ¡presente!

A. Villar Ponte.

GASTE BEN O DINEIRO, MER-
QUE LIBROS GALEGOS

Fuchicadas

Son varios os Auntamentos de Galiza que foron embargados pol-a Delagación da Facenda debido a falla de cumprimento dos compromisos que con ela teñen. É sabido que os Auntamentos están obrigados a facer aportacións municipais forzosas que importan moitos milleiros de pesetas o ano. Agora a Diputación da provincia, ou o Delegado da Facenda, que todos son uns tales e tan bos, piden o embargamento d'un tanto por cento das rentas do municipio pra se ire cobrando das deudas atrasadas. ¿Non sería comenente que se fixese unha boa fiscalización pra ver de que xeito esas corporacións inverten os diñeiros que lles sacan o pobo?, posto que eles cobrar cobran de contado, e cando se atrasan nos pagamentos axiña lle mandan o alguacil c-o cedulón, que lle fai abanear os dentes a quen loita noite e día pra soste iso, que deron en lle chamar goberno.

A deuda dos municipios galegos aparés engrosada c-o imposto que lle zamparon pra eisposición de Sevilla. Isto, os galegos, failles tanta gracia, como si os fixeran contribuir c'unha cantidade de pesetas pro Congreso Eucarístico celebrado en Bós Aires, ou pro túnel que queren construír no canal da Mancha.

Son belezas do centralismo, que só se lembra dos galegos cando ten que sacarles cartos; por iso nos doi moito, pero moito, cando atopamos un galego, que sin saber rén das cousas galegas, defende con aferboada patreotería o centralismo. Ese hábito, quedalle ben

aqueles que lles corre o pringue pol-as barbas abaixo, porque manda mais n'eles o estómago que o cerebro, mais a un galego ceibe d-esas cativeces sectarias, non.

Despois de catro séculos de dominación castelán, o idioma galego manténse cada vez máis puxante. O mesmo no agro que na ribeira, fálase somentes galego.

Cousa que tiña que ter en conta o centralismo, cando nos manda pra Galiza Gobernadores, Xueces, Reitores, mestres d'escola, etc., castelans, pra tratar con un pobo que non nos entende, e que menos entenden eles a pobo. ¡Así nos gobernan! ¡Así é a xusticia que disfrutamos! ¡Así é o ensino que acadan os pequenos galegos!

Unha vez estaba eu tras d'un paleiro escoitando un vello dos do socairo que estaba tomando o Sol. E como esta crás de vellos que non fan nada teñen que entreterse decindo algo anque non sea tamén nada, ocurrente de falar d-un bote que iba en vela; e díxome si mal no me acordo que pra o bote ganar mais camiño tiña que timonel incrinar o timón pra esquerda, pero non de todo porque sinon daba volta. Eu como vello tamen creo que pra que o noso pobo vaia pra diante tén que incrinar o timón pra esquerda, de maneira que chegue mais pronto o seu destino, pero tamén penso que si o timón se incrina de todo corre o peligro de tumbar é si o incrina pra dereita, xa sabemos todos que non agaña vento a vela.

“PENEIRANDO”

O goberno d'España vaille facer a Galicia un verdadeiro presente grego. Consiste il, n'a creación d'unha “colonia de vagos” na isla d' Cortegada. Isto é unha verdadeira ironía, que a un país como e a nosa Terra, de xente traballadora, a convirtan no cinzeiro d'España, mandándonos toda a escoria que largan as grandes urbes como Madrid, que, a metá da poboazón, vive do presupuesto do Estado, do que Galicia e o máis forte contribuyente, e a outra metá, son golfos, os que mandarán pra fermosa ría d'Arosa, pra que os sigamos mantendo... Xa estamos vendendo os presidentes d'moitas “pseudo” sociedades galegas, mandandolle un telegrama d'felicitación o goberno d'España, “por tan feliz iniciativa”.

Fai pouco, debatíase no parlamento español, o reparto do millo importado, era tan pequena a parte que lle daban a Galicia, que un deputado, tivo o astrevento de

decir-lle o subsegretario de Agricultura, que asistía a seisión das cortes n'ausencia do ministro, que era moi pouco millo e non alcanzaba pra's necesidades d'Galicia. Ben, sabedes o que-lle contestou? “Si no les alcanza, que coman cebada”...

Este, tamen merecía outro telegrama...

Baskos e Catalans, votan pra deputados os representantes do verdadeiro sentir nacionalista, sexan eles católicos, ou liberales, no parlamento, antes que nada, son baskos, ou catalans eses representantes defenden os intereses de quen'os votou, co'a súa vida, se é preciso. Os galegos votaron a Calvo Sotelo, lugartenente do ‘Curmán de Riveira’, o Emiliano, de triste recordazón, e o comediante Honorio Maura, que, pra conseguir a aita de deputado, nontivo máis traballo que facer un viaxe dende Madrid a Pontevedra. ¿Cando se acabará este estado de cosas?

As mocedades galeguistas

Surxeu na nosa terra súbitamente e cando moitos galegos no esperaban, eses grupos de mocedades galeguistas que chegaron a tempo pra formar un partido sin mais nome que o deles mesmos; e decir nome que simboliza a xuventude galega, porque o decir galeguista non significa un partido político tradicional. Nada de eso; o galeguismo é algo moi superior aos vellos partidos profesionais da política picada do berme, pois él é o que interpreta o sentimento e a necesidades do noso pobo cuíus fins responden en todo e por todo a Galiza. E para que ese galeguismo tivera mais forza formáronse n-el as mocedades galegas cal soldados sin armas pra matar, pero que levan o fogo na alma e as armas no seu espírito xuvenil para esgrimilas aon tempo e cantar en lugar da marcha guerrera o himno xigante do noso pobo.

Cando as xuventudes se erguen na loita, tembra-os vellos porque non queren desprenderse dos seus

dominios e deixal-os seus prexuícios.

Galiza rexurde novamente aos ollos do mundo cos seus raios claros do sol refulxente da libértá, pra decirlle aos que non queiran darlle o valimento que merece, que ali hai un pobo con ansias de redimirse; e de ser dono ausoluto dos seus destinos.

Oxe Galiza desperta do seu sono pra dar seu exemplo de rebeldía, porque nela hai xente nova que loita con desinterés e patriotismo. Nunca se é vello cando se é útil, por eso aos que crean que a nosa é un pobo vello, trabúcase en todo o sentido da verba.

A xente que compón un Partido Galeguista, e xente escollida; é a frol de Galiza e a lus do galeguismo pra marcar novos vieiros e conseguir pra nosa patria tod-as melloras porque veñen loitando.

E cando no medio desa xente hai un berro das mocedades, humíllanse os cobardes e fúxen-os treidores.

Morreu S. Ramón y Cajal

A sabencia do mundo enteiro está de loito pol-a morte de tan outa persoalidades centifica.

Foi a vida de don Sant-yago Ramón y Cajal un verdadeiro apostolado; pol-a adicación afervoada e sin rebousos con que serviu os intréses humans. Por iso, poucas veces como n'iste caso, podese decir que a humanidade de todo o universo sofre unha verdadeira perda co-a morte de tan esgrevio mestre.

Naceu don S. Ramón y Cajal en Petilla de Aragón, pequeno pobo de Navarra, o día dos traballadores, do ano 1852, e foi eísi, a súa eistencia, a xeito d'un longo homaxe o traballo, o estudo e a sabedencia.

A Irmandade Galeguista, c-o dor mais forte, rinde respetuoso e agarimoso homaxe o ilustre morto. honra e orgullo da especie humana.

Cando os mortos resuciten os “calados” falarán

Pregamolles o distinto leutor non interprete de mala maneira as verbas que nos sirven de epígrafe; pero verdadeiramente e algo que nos interesa aos galegos: non cos mortos resuciten, sinon que os “calados” falen.

Como son ben coñecidos non é mester nomealos; mais si algún leutor non soupera que son, vámosllo a decir sempre que non trabuque a palabra e que non llo diga a ningún... Son os nosos deputados que asisten calados as Cortes... Pero esto é como din as vellas: De min pra vos...

¿Mouros en Asturias?

Un telegrama aparecido na “Nación” de Bos Aires, da conta de que se atopa na rexión asturiana o Corpo de Regulares de África, combatindo contra os revolucionarios. De ser certa a información devandita chegaríamos a conclusión de que o goberno de Lerroux pediu un exército de mouros pra matar os hespañoles; xa que o Corpo de Regulares está constituído casi samente por mouros. Non outra causa se pode esperar dun goberno que por darse a satisfacción particular de mandar, convertiu an nazón nun mar de sangue e comprometeu a mesma vida do réximen republicán.

Deber dos galegos

A IRMANDADE G. DE U. é a entidade que defende os outos valores galegos con san patriotismo. A súa labours é obra de cultura e de fraternidade. Facéso socio da IRMANDADE é obriga de todol-os galegos que se intrésan pol-os prestixios da súa raza.

Libros a venda

Veñen xa en viaxe unha grande cantidade de libros en galego, dos millores escritores da *nai terra*, qu'a Irmandade cederá a todol-os que queiran adequerir-os o precio do coste.

A Istitución no nos fai vir pra negociar n'eles; senón pra percurar espallar o mais posible a cultura gallega, d'a cordo c-o seu programa d'aición.

Dous problemas

Veleiquei os dous problemas que encerran toda a economía do mundo e que xiran en torno delas todas as actividades sociais, políticas e económicas: a terra e o mar; dúas fontes da riqueza dos pobos. Quedalle soamente pras cidades o mecánico rol do sel-o motor dirixente que mercantiliza con mesmos elementos produtivos.

Agora ben; a terra e o mar diríamos que son os dous eistremos, mais supoñendo que estos se choquen, tal coma cencia filosófica a prantea e por outro lado seguindo a relatividad dos elementos, chegamos a conclusión de que estes dous problemas non e mais que un. E decir; que a produción da terra téñ que valerse do mar pra que esta sexa mercantilizada. O mesmo tempo que a produción do mar encerra da mesma forma o idéntico problema.

Pra ser claros e lixeiros, trataremos de esispoñer o tema tomando como preferida base o noso pobo, pensando soamente ne-l, porque é eiscrusivamente nos interesa pro caso.

Galiza por características xeográficas é a rexión de hespaña que debería ter estes dous importantes problemas xa resoltos. O Goberno Central, tomando en conta por exemplo, qu'as provincias da Cruña e de Pontevedra, pol-a súa situación atlántica ocupan o segundo posto no movemento marítimo terían que estar os seus principais portos de mar, doutados de muelles e portos de abrigo como se alcontran outros que non teñen nin tanta importancia pol-o movemento nin tanta necesidade pol-a súa situación.

Sin ir mais lonxe faremos resaltar o porto de Vigo, que sendo este o de mais movemento de Galiza e o segundo de hespaña, oxe coma onte os grandes trasatlánticos deixan ca-la súa anca na badía, e alí está un porto casi morto cando debería ter tanta vida. Si esta Capital conserva aínda o segundo posto entre todol-os hespañoles é precisamente pol-a obrigación forzosa de todol-os buques que n-el deben facer escala pra tomar ou dexar pasaxeiros; pero non pol-a organización e o atractivo que debe ter un porto de tal categoría.

Vigo, foi, é e será namentras qu'o estado económico de Galiza non cambie radicalmente, e o seu muelle non se acabe de facer, unha cidá de tránsito pra os pasaxeiros, pois a pesar da importancia da pesca e os pequenos barcos de carga, non chegará a sel-o que tería que ser namentras que esas obras non sexan acabadas. Pero pra eso fai falla moitos millóns de pesetas que ademais terían que empregarlas na construción de depósitos pras cargas e descargas de todas as líneas que alí fixesen escala.

Asimesmo todol-os pequenos portos das rías de Galiza, alcóntrase na mesma situación; e que sofren as causas d-este atraso os pescadores, pois eles son (nos referimos aos pescadores galegos) os que producen mais pro Estado, posto que senda Galiza a vigésima parte do territorio hespañol a súa pesca é a terceira parte do total d-esta fauna en Hespaña.

Ben deixan ver estas e outras cifras comparada o que é Galiza no tocante o total da economía hespañola. Pero esto nunca o tiveron presente os políticos de Madrid, namentras que votan grades sumas de pesetas pra obras públicas sin tanta importancia, como ser pra Tenerife, Galiza vive obrigada aos seus caprichos políticos. Galiza pra rexurdir da miseria en que a téñ o Centraismo, debe encauzar por

so sólo a súa economía. Non ostanto aínda hai galegos que teñen orgullo de ser hespañoles!

Si moita importancia téñ o problema do mar, n-este caso que tratamos, téñ moito mais o da terra, pois os elementos d-esta son de mais importancia en valor e en número; pero sintéticamente podemos afirmar qu'o de mais intrín en canto a relación que téñ co mar, son os transportes terrestres; pol-a falta de vía férreas e de outros medeos de locomoción. Hastra n-esto somos menos qu'as demais rexións, cando teríamos que sel-os mais ou pol-o menos o mesmo.

Temos especial intrín en dar a coñecer con estadísticas toda principal economía galega; e por outro lado, todo que precisaría esta pra engrandecer aquela. En todol-os rexións da produción galega observamos con certa cras de indifiaición as cifras exorbitantes comparada cas demais rexións e por outra parte a inferioridad de toda cras de melloras; tanto nos transportes, como nos portos de mar; o mesmo na ensenanza, como en toda protección do Estado.

Un d'estes principais problemas é o do ferrocarril; esto é algo que chega o eistremo de dar vergonza. Mais a vergonza debería dallas os que forma parte do Goberno opresor dos pobos que piden a súa libértá.

Galiza téñ soamente 603 kilómetros de vías férreas en eisprotección, dando coma resultado dous kilómetros por cada cen de eistensión; namentras o resto de Hespaña téñ 4, Cataluña 8, sendo igualmente estas últimas cifras inferiores as que teñen as principais naciones europeas.

Resumindo o dito: Por falta de protección do Estado, os portos de mar de Galiza non teñen mais movemento, deixando así que a economía galega perda moitos millóns de pesetas anuais. E pol-a parte da terra os poucos medios de transportes non permiten que as eisportacións de Galiza poidan chegar aos diversos puntos da Península en forma mais barata. Finalmente este mesmo atraso sénteo de lozamente a economía galega o ter que importar o millo e outras productos que transportados a Galicia llegan cargados de impostos, gravitando d-este xeito o total das ganancias costando pol-o tanto o consumidor moito mais do que debería de costar.

En canto Galiza non teña a súa autonomía non quedarán resoltos estos problemas, e namentras esto non sexa un feito, proseguiremos na nosa loita.

A biblioteca da Irmandade

En cumprimento do preceptuado pol-os Estatutos Sociais, a Sección de propaganda d-esta entidade, traballa aivamente na organización d'unha biblioteca de libros que traten de Galiza e de libros en galego. Eisí os nosos asociados, dentro de pouco tempo, atoparán na biblioteca social obxectos de lectura en que pasar o tempo deleitosamente. E d'abondo sabido que lendo un bó libro sempre se aproveita ben o tempo, e con mais razón si ese libro nos trae lembranzas da lonxana terra.

De tantas caídas vanse a quedar no chau

Decimos n-outro lugar desta folia que soamente nos interesan os problemas de Galiza; pero mais abaixo tamén queda dito que debemos sacarlle a careta a quen n-ande ca cara o sol.

Desde logo que si o nosa loita a dedicamos eisclusivamente a Galiza, debemos pol-o tanto combatir todos aqueles elementos que ataquen aos nosos principios.

Pois ben desde que temos a República caeron mais de media ducia de gabinetes; e pra desgracia dele a súa maioría son os mesmos que negan a nosa autonomía. ¡Vaya exemplo que nos dan! Queren aguatal-a aunidad hespañola e nin eles son quens de aguantarse n-un sillón...

A nos parécenos que si siguen caendo os mesmos tantas veces, n-unha delas vanse a quedar no chau...

A galiña dos ovos de ouro

Foi sempre Galiza a rexión hespañola mais asoballada pol-os gobernos centraistas. Eso xa non debíamos decilo porque non facemos mais que repetir, posto que todol-os galegos sentímolo en carne propea. Pero o que debemos recalcar e aquela famosa cifra do cinco e do doce por cento. Non se mcleste o leutor en aprendel-a regra de intrín, pois non é pra sacar ningunha conta. Si algo queremos dicir con eso é que sendo Galiza o cinco por cento do territorio hespañol a súa produción agrícola ascende a doce por cento. Edecir, que a produción total da agricultura galega pasa de mil millóns de pesetas anuais, namentras que a de toda hespaña e de nove mil millóns (decimol-o en letras pra que se entenda ben).

Esto non é soamente a riqueza de Galiza, temos outras industrias que lle siguen no valor e que ben poden demostrar o que é Galiza tocante o total da economía hespañola.

Según estadísticas oficiais a nosa pesca aporta un valor de cento dous millóns de pesetas anuais, namentras que en toda hespaña o total desta fauna é d-un valor aproximado de trescentos cincuenta millóns de pesetas. E decir: a pesca galega equivale casi a terceira parte do total da pesca hespañola. Sin contar a riqueza forestal, a gandería e a riqueza mineira que xunta con todo o que se concerne a economía galega irá mole tratando pouco a pouco pra que sirvan de motivos porque nos reclamamos a Autonomía pra Galiza.

Deste xeito razón teñen os políticos centraistas en negarnos a

nosa libértá económica e política; e mais razón aínda teñen os mesmos "galegos patriotas" en chamarnos tolos aos que reclamamos tan lóxicos e merecidos dereitos, porque si galiña voa cas súas alas da libértá, ¿quén vai a poñel-os ovos?...

O Mayo

*Aquí ven o mayo
De frores cuberto...*

Puxéronse á porta
Cantándome os neños;
Y-os puchos furados
Pra min estendendo,
Pedíronme crocas
D'os meus castiñeiros.

Pasai, rapaciños,
Calados e quedos;
Q' o qu' é pol-o d' hoxe
Que darvos non teño.
Eu sónvolo probe
D'o povo gallego:
Pra min non hai mayo,
¡Pra min sempr' é inverno!...

Cand' eu m' atopare
De donos liberto
Y-o pan non me quiten
Trabucos e préstemos,
E com' os d'o abade
Frorezan meus éidos,
Chegado habrá estonces
O mayo q' eu quero.

Querédes castañas
D'os meus castiñeiros?...
Cantádeme un mayo
Sin bruxas nin demos:
Un mayo sin segas,
Usuras, nin preitos,
Sin quintas nin portas,
Nin foros, nin cregos,

Curros Enríquez.

Sola

Sóla!... tan sóla cando todos antes
Tras d' ela viñan con lascivo ollar
D'os seus beizos purísimos y-amantes
A virxinal surrisa por buscar.

Tan sóla... cando todo parecía
Un concerto inmortal d'ela arredor;
Unha celest' e branda sinfonia
De garruleiros páxaros d' amor!

Morrer n'o fogo d'a ilusión primeira,
N'esa mañan azul d'a mocedá!...
Ver nacer unha flor n'a primavera
E vela morta pol-o outono xa!...

Ai! Será a morte nada máis q' un sono?
Tras d'o outono d'a vida qué hai pra
[nos?
Colombo topa un mundo n'un outono...
¿Quén tan dichoso que tomase a
[Dios!

CURROS ENRÍQUEZ.